

**PERTAPIS
adakan
10 MAR 1976
demonstrasi
silat**

MEMPERSERI BAHKAN 'seni silat Melayu' merupakan acara yang sangat digemari oleh pertubuhan - pertubuhan Melayu dan Islam apakala mengadakan perayaan - perayaan ulang-tahun ataupun pertunjukan - pertunjukan biasa.

Sebagaimana pertubuhan - pertubuhan itu, begitu juga Pertapis. Seksi Kebudayaan dan Sukannya telah mengadakan demonstrasi silat, bila pertubuhan itu mengajurkan satu perayaan baru-baru ini.

Peserta2

Dinamakan silat 'Macan Pasrah', seni pertahan diri orang-orang kita itu telah menarik perhatian ramai, terutama sekali mereka yang hadir di Dewan Kampung Ubi untuk melihat demonstrasi silat itu dari dekat.

Buat masa ini seramai 20 orang belia dan belia wanita sedang mengikuti kursus silat Pertapis. Mereka yang ingin turut serta bolehlah berhubung dengan Encik Ahmad Ishak Ismail, Timbalan Setiausaha Pertapis, di alamat 983-G, Geylang Road.

**Kursus silat
24 MAR 1976
kuningan**

ORANGRAMAI yang telah memohon untuk menyertai kursus silat kuningan anjuran Himpunan Queenstown diminta hadir ke Mesjid Hang Jebat lepas Isyak malam ini.

Permohonan yang dibuat kepada Unit Kawalan Seni Mempertahankan Diri telahpun diluluskan.

Latihan silat tersebut telahpun dimulakan Sabtu lalu dan akan diadakan lagi setiap Isnin dan Juga Rabu, lepas Isyak.

Klas silat itu akan dirasmikan pembukaannya pada 17 April depan.

**Yatim kpd belia:
Isikanlah
masa lapang dgn
18 APR 1976 Berita Minggu
kegiatan faedah**

PARA belia di sini telah digesa supaya menggunakan masalapang mereka dengan sebaik-baiknya bagi mengelakkan diri daripada tercebur ke dalam kegiatan yang tidak diingini.

Encik Mohd Yatim Dohon, Penasihat Himpunan Queenstown memberitahu bahawa 'masa itu emas' dan kerana itu belia mestilah pandai menggunakan sebaik-baiknya dengan sebaik-baiknya.

Bercakap di majlis perasmian Kursus Seni Silat Kuningan anjuran Himpunan Queenstown, di pekarangan Mesjid Hang Jebat, Encik Yatim Dohon berkata:

"Akhbar - akhbar sering melapurkan bahawa ramai daripada masyarakat muda tercebur ke kancanah dadah dan kegiatan yang tidak diingini kerana masalapang mereka tidak digunakan dengan sebaik-baiknya."

Hasutan

"Sementara ada yang terlibat dalam Penagihan ganja, yang lain terpengaruh kepada heroin ataupun morfin. Ramai daripada muda-mudi itu terikut-ikut pada tingkah-laku kawan-kawan yang nakal."

Encik Yatim berkata, meskipun pada mulanya mereka mencuba ganja ataupun dadah sebagai 'eksperimen' ataupun hasutan dari kawan-kawan, lama-kelamaan mereka sendiri menjadi ketagih.

Yang lebih membahayakan katanya, apabila belia yang ketagih itu tidak mempunyai wang ataupun belum bekerja untuk membeli dadah -

**Persisi
disyor
28 APR 1976
anjurkan
Pesta
Silat**

SAJA mendapat tahu bahawa Majlis Sukan Singapura akan mengadakan 'Pesta Sukan' dalam Ogos ini. Dalam hubungan ini saya suka mengesyorkan kepada Persekutuan Silat Singapura (Persisi) agar menyertai Pesta tersebut.

Saya rasa kena pada tempatnya Persisi tidak melepaskan peluang ini dengan menganjurkan pertunjukan silat dan pesta silat pada masa yang saya sebutkan di atas.

Sekiranya lain-lain jenis sukan dapat dianjurkan sempena 'Pesta Sukan', silat juga merupakan satu jenis riadah (sukan) yang seharusnya dipertunjukkan kepada masyarakat hari ini.

Dengan rara begitu, saya kira, seni silat Melayu dapat dipopularkan di kalangan masyarakat Singapura.

WIRA

Singapura 12.